

堂匪總錄卷六

平樂府屬堂匪 土匪外匪附

同勝堂

沈亞養平樂人咸豐二年七月攻平樂府城知府王銘擊退四年三月勦平亞養逸出五年三月伏誅十一月署平樂縣擒偽先鋒李文中

洪順堂

黃桂林永安州莫村人咸豐四年五月在永安昭平境內劫掠八月糾何東莞晚陳東江蒜頭四人永安水竇時值羅德全到昭平合股稱統領兵馬大元帥堂匪總錄

卷六

一

永安州羅福杲擊散六年三月桂林在孟村被擒謝四西竄縣人四年七月在永安拜臺與黃鳳華黃鳳見亦稱洪順堂八月竄昭平與黃亞連同踞恩來北陀先是五月秋涼村人陳亞三在山皮寨拜臺至是充黃鳳見先鋒旋被擒東莞人黃成宗湖南常德人胡登成皆黃鳳見軍長也逸出五年十一月署平樂縣茅本蕙擒鳳見並林亞順何亞唐

廣義堂 連義堂

卽謝四初附連義堂楊西安後於咸豐四年七月與黃鳳華合股偽先鋒朱得望綽號馬三江西殺子人

至五年十一月署平樂縣茅本蕙捕獲得望並黃成宗胡登成暨全義堂總管廣東三水縣人陳亞耀洪興堂總管廣東封川縣人陳景鳳聚英堂百長平樂石脚村人李萬春

平安堂 福勝堂 洪興堂

咸豐四年閏七月客匪劉洪桂糾長髮數千人由賀縣入蒼梧公會墟與平安福勝洪興各堂土匪合爲大股紮恭城栗木分擾上芳林黃舊道石竄平樂榕津按此卽桃川匪曾與羅亞會合股

恭義堂

堂匪總錄

卷六

二

匪首朱勝洪咸豐四年五月竄恭城八月竄灌陽五年二月竄富川入湖南被擒

公義堂

咸豐四年十月聚五百餘人踞恭城秧家村守備萬明魁擊散

安義堂 順義堂 廣義堂

匪首許英廣東人咸豐四年十月與劉貴秀劉贊成武生余觀文稟生韋震乾等勾結沙子街順義廣義連義等堂竄踞西嶺寨約萬餘人皆著紅巾守備萬明魁率徭壯禦之捷於龍江口擒僞先鋒韋昌和莫

亞恐等十餘人再捷於白洋賊悉潰散

順義堂 全義堂 洪順堂

咸豐四年十一月至五年正月由荔浦竄平樂下關退至二塘

從義堂 聚英堂 合福堂 廣義堂 連義堂

咸豐四年十二月四堂皆統於連義堂楊西安

忠義堂 廣壽堂

匪首王姓劉五潮勇也咸豐五年正月與廣壽堂合股劫恭城莊子埠旋散

堂匪總錄

卷六

三

公儀堂 恭義堂

匪首朱世雄汪三源咸豐五年正月踞西嶺二月與恭義堂同陷富川蓮花塘有獲匪數千合股

廣福堂 廣肇堂 英義堂

匪首林晚麥來咸豐五年三月廣福廣肇合於英義堂疤頭駱四

朝福堂 洪勝堂

咸豐五年二月朝福堂劫恭城西鄉踞高洲入沙子街合於洪勝堂喬老苗

廣安堂

匪首歐亞洪歐同昌咸豐五年三月踞恭城境內由東鄉入沙子街

廣壽堂

匪首武生余觀文廩生韋震乾咸豐五年三月踞莊子埠附楊西安

復漢堂 山義堂 結義堂 忠義堂 公義

堂 連義堂 圓明堂 廣壽堂 同勝堂

咸豐五年三月九堂合聚七千餘人踞平西各村堡團練齊集八千餘人殲斃同勝堂首匪沈亞養生擒數百人殺亦數百人九堂股匪潰散狂奔偽軍長李

堂匪總錄

卷六

四

亞茂逃入四冲猺爲猺勇所殺當時以是役爲第一大捷

恆義堂

匪首黃三咸豐五年五月匿於蝦公巖署平樂縣倪濤千總馬榮陞勦平黃大邦擒黃三正法

合福堂

咸豐六年四月陷富川署平樂知縣吳朝鳳擊散獲王亞社鄧苟茂吳悅來李培賢李秀林楊亞宗等二十餘人並獲廣壽堂總管潘亞水鍾燕日軍長梁楹梁晚土匪陶苟成林亞來邱錦維等十餘人

廣順堂 洪福堂 順義堂

匪首陳瑞珠范水得咸豐五年十一月署平樂縣茅本蕙捕獲並獲洪福堂首曾仔明順義堂首梁景華英德匪

道光三十年六月英德土匪二千餘人掠懷集由洽水入賀縣南鄉踞桂嶺大會墟分股竄里松官兵失利遂由黃田墟偪城下踞城外之河東沙岸兵練夜渡襲之皆遁由三步冲陸路至宮潭墟回開建長安墟金裝墟舖門墟以去

葉天良

堂匪總錄

卷六

五

賀縣人道光三十年十月聚千餘人劫昭平賀縣各村堡踞天門嶺入富川馬峰麥嶺同知英秀參將成保勦之天良走沙子口馬江爲樟木林鄉勇所擒

鍾乃康

桂嶺迴源村人咸豐三年五月與江華錦由匪黨曹晚連山和洞藍之漢相結招黨應之踞賀縣之里松大凝羅石等處署平樂府招敬常往捕乃康逃入灣島寨與曹晚藍之漢會合入江華之水井乃康回大凝分股一由羅石竄弓山一由里松竄黃田勦敗竄江華之鵝公被擒並俞亞丁等三十餘人

唐定其

湖南桂陽州人綽號范大王咸豐四年三月在賀縣里松倡亂知縣韓榮巡檢張鑑三捕獲並僞軍師周大綱先鋒鄧玉秀曾潮成張黑五李世潰等數十人

侯春元

湖南江華縣人咸豐四年三月聚千餘人劫富川之濤墟竄楚粵交界之白芒營仍回富川斗米崗爲楚軍勦滅

覃彩瑤

修仁人咸豐四年七月率三千餘人入雒容木漢等處賊目韋煜文章老受被擒餘皆潰散

林晚

平樂連灘人咸豐四年七月在榕津設館聚二千餘人踞奇村與土匪蕭安盧二十等勾結平南股匪入平樂劫掠

林開苟

富川縣人咸豐四年十月劫鹽埠導朱洪英陷富川縣城五年入黃金亮股內踞麥嶺金亮敗後逸出六年十二月除夕著富川縣馬聯芳偵獲伏法

羅德全

卽羅德祥永安州人初被勦逃匿咸豐四年十月自南京潛回永安糾合藤縣韋鎬茂並招平南股匪數千人分踞平樂聯村陶村下盃村僞稱定國王八月附黃桂林合股爲永安州羅福杲擊散

或云德全廣東順德人

### 蘇元莊

永安州人咸豐五年正月潛入昭平馬江河口與李日揚入張高友股內突至陽朔龍頭潭高田墟轉入蓮塘又竄栗木擾及馬鬃嶺分股一竄古排代理修仁知縣章國棟吏目馬沅失利元章遂踞古袍北沙勾糾木格土匪古金北陀土匪曾十永安西鄉土匪

### 堂匪總錄

### 卷六

七

黃美中踞營潘古墨兩村旋附張高友同踞蓮塘

### 區建恆

廣東南海縣人攻陷肇慶後遁入平樂咸豐五年十月在沙子街糾合土匪起旗倡亂署平樂縣吳朝鳳會集營汎鄉團擒建恆暨總管黃亞發僞先鋒劉亞康以次分捕土匪擒獲羅苟五梁泰陶耀先李恆春張亞貴卽黃亞貴王庭英翟苟木歐苟元朱子文朱子祐鄧亞赫伍二保梁亞十皆土匪頭目也

### 莫昌文

永安州人咸豐五年十月勾結陳超瑞在永安藤縣

交界之三江口奪踞文筆岑婆兩村兩縣團練剿平  
植啟瑞 羅亞元

咸豐七年六月由廣東開建入賀縣茶洞芙蓉墟署  
知縣左世桀擊散

羅昭顯 李世範

賀縣官譚墟人咸豐八年正月陳金剛遣鄭金湯六  
竄入賀縣昭顯世範率土匪應之至九月城陷同入  
金剛股內

古四

狡匪也咸豐八年三月廣東東安開建各股匪數千

堂匪總錄

卷六

八

人分踞官潭舖門芙蓉墟等處古四勾通偽秀江府  
羅華觀招集土匪羅國勇羅世貴與東匪聯絡踞山  
寺村時有貴縣轉寨土匪岑名正蒼梧土匪莫泉隆  
羅水口五劫芙蓉墟糾合連山之土帥土匪韋上成  
莫益能等合股皆附於羅華觀

劉十二

賀縣來人咸豐八年二月與黃新春周武義聚千餘  
人劫上洞踞官潭適有狡匪與沙頭土匪四千餘人  
聚舖門墟十二在官潭敗潰將至舖門合股道出何  
家口爲鄉團截殺



黃三泰

永安州人咸豐九年竄踞石人島官兵由馬峽入上福三路進剿三泰退入塘山下慢村由黃村歸永安老巢

古金四

一名古今四昭平土匪咸豐中附張高友後踞湓田為巢同治二年春署昭平縣熊壽山都司蕭楚斌剿之署梧州府盧定勳率縣丞陳延齡守備李開學帶練夾攻五月圍湓田古金四偽投誠延齡受之解散其黨殺金四與古傳揚盡毀其巢附近湓田之大洞堂匪總錄

卷六

九

新地大案皆土匪淵藪六月開學盡剿平之

黃世昌 蔡晚 方振祥

世昌修仁南山寨人時號南山匪土匪大股也與山

京村蔡晚柘村方振祥即方三合股同治四年冬擾象

州署知州洪光岳擊潰五年正月署修仁縣胡光廷參將劉玉成都司黃新春調集團練由柘村進剿擒振祥十月擒蔡晚偪攻南山寨世昌敗入獠山獠人誘縛以獻各寨土匪次第剿平

補遺

大義堂

匪首蔣金生永安杜莫寨人咸豐四年五月附荔浦黃亞車爲頭日劫新村九月充南路總管旋自起旗於杜莫稱大義堂與結義堂謝振安聯絡十月率僞先鋒黃石安糾黃亞車由馬嶺竄陽朔人興安五年竄平南六年回永安四月爲知州羅福杲所擒

### 結義堂

匪首謝振安咸豐四年在鳳門坳起旗五年竄擾平南昭平幾徧六年春竄永安四月僞先鋒李同桂黃茂盛被擒振安全股竄去

玉國愼

韋宗斌

龔全興

黃九

堂匪總錄

卷六

十

國愼宗斌皆龍定里人咸豐四年國愼附土匪黃宣金劫昭平西平旋充梁玉田先鋒附陳超瑞十一月竄桂平五年與宗斌同人鯉魚仔股內全興平南大同水人初充陳東江五大館總領隨至永安繼攻平樂東江五敗走全興附黃桂林掠昭平合於羅得全黃九昭平人充羅得全引路都使五年冬六年春先後回永安招黨四月皆爲團練捕獲

陸廣遠

陳長太

廣遠昭平人初爲陸祖忠頭目咸豐五年祖忠被殺逃入永安合於陳長太踞六廟村潛匿眉江里咸豐

六年四月被擒長太藤縣軍場村人超瑞姪也

僧積善 清現

積善湖北黃岡縣人清現廣東嘉應州人住持荔浦  
印山寺咸豐四年充大義堂軍師隨僞先鋒黃石安  
擾荔浦時張高友踞修仁荔浦之間遂入大股爲遊  
僧六年春高友紮鹿寨欲由四排石墻掠修仁荔浦  
至永安合碼四月積善潛匿永安東安寺爲團練詰  
獲

楊苟三

富川人同治四年六月湖南江華縣會匪唐振輝李

堂匪總錄

卷六

十一

老老 奉楊苟三爲頭目逸入富川知縣魏篤麥嶺  
都司唐文耀與荔浦平樂會剿七月獲何旺晚何越  
八月格殺楊苟三楊大八僞先鋒何大雞公荔浦團  
練緝獲陳老松平樂園練緝獲蘇萬珍謝長生鄭麻  
子四

遊匪

同治七年四月突入永安毘連藤縣之蚺蛇村踞之  
署梧州府凌昆署平樂府錦成會營往剿五月破其  
柵全股逃去